



Hans Enoksen
Inatsisartunut ilaasortaq
Naleraq
inatsisartut@inatsisartut.gl

**Kalaallit Airports A/S-imut inissialortiterneq pillugu § 37 naapertorlugu
apeqquteqaammut 2024-079-imut akissut**

10-05-2024
Suliap nr.: 2024-8966
ID. nr. 92159605

Asasara Hans Enoksen

Kalaallit Airports A/S-imut, maannakkut Greenland Airports A/S-imut, inissialortiterneq pillugu Inatsisartut Suleriaasianni § 37 naapertorlugu Naalakkersuisunut apeqquteqarputit. Apeqqutitit uannut akisassanngorlugit innersuunneqarput. Apeqqutit ataasiakkaarlugit matuma kinguliani issuarneqarput, akissuteqaat kingornanniilluni.

Postboks 909
3900 Nuuk
Tlf.: (+299) 34 50 00
E-mail: box909@nanog.gl
www.naalakkersuisut.gl

**Apeqqut 1: Kalaallit Airport sulisunut inissiat sananeqarnerinut Illuut A/S qanoq
annertutigisumik aningaasaliiva?**

Akissut: Illuut A/S-imiit ilanngussassamik piniartoqarpoq, taannalu paasissutissiivoq:
"Illuut A/S maannakkut suliassamut aningaasassanik tapersiisimangilaq. Taamaattoq suliassamut siunnersuutip immikkoortuanut kr. 60.000 immikkoortinneqarput."

**Apeqqut 2: Nuummi Ilulissanilu inissianik pilersitsisoqassappat qassit
sananeqassappat?**

Akissut: Illuut A/S-imiit ilanngussassamik piniartoqarpoq, taannalu paasissutissiivoq:
"Nuummi Kalaallit Airports A/S-imut illuliortiterneq, illuliortiternerup allap ilagaa, kisianni isumaqatigiissutigineqarpoq inissiat 20-t missai Kalaallit Airports A/S-imut atugassanngortinneqassasut.

Ilulissani inissialiornissamut tunngatillugu, suli aalajangersimasunik pilersaaruteqanngilaq."

Neriutigaara matuma siulianiittuni apeqqutitit akineqarsimassasut.

Inussiarnersumik inuulluaqqusillunga

Hans Peter Poulsen